

GOSPEL TANGKOU

(GOSPEL HERALD)

Issue No. 02

Volume: XL

FEBRUARY: 2026



KUM THUPI:
‘Thou In, Lam Tha Kia Vai...’
(NEH. 2: 17-18)

EDITOR:
RT. REV. KHUP DO KHEN,
BISHOP

EDITORIAL BOARD:**Founder Editor:**

Rev. Hauzalian Manlun

Editor

Rt. Rev. Khup Do Khen Bishop

*Mobile: +919612388924**E-mail: khupdokhen@gmail.com***Join Editor:**

Rev Suanboi Tungdim, Director of Ministries

*Mob: +918837008618**Email: suanboi@gmail.com***Managing Editor:**

Rev. Dr. M. Kamneithang Zou

*Mobile No: +918974609177**E-mail: pastormthangboizou@gmail.com***Contributing Editor:**

1. Rev Dr. Hangminthang
Mob: +919612997858
2. Rev. Thangliankham
Mob: +919862830905
3. Rev T. Chinlunmang
Mob: +917630854610
4. Evan. Ginminlun Tawtah
(Youth Promotor)
5. Nh. Nuamboi
(Women Promotor)
6. Divisional Superintendent teng

Design & Setting:

Upa Khuplajem Guite

Circulation Manager:

Pa Dongzakam

Mob: +919612198903

Upa Tutzamung

*Mob: +918731830436***CONTENT**

- | | |
|--|------|
| 1. EDITORIAL | : 1 |
| 2. TANGSAM/TANGKOU | : 2 |
| 3. BANGZIEH A INDIA MITEN
KHANTANHOI ZASUOH NAILOU
UH ASIEI? | : 4 |
| 4. KHRISTIAN LEH POLITICS | : 9 |
| 5. KHRIST I LUTANG | : 14 |
| 6. 2026 KUM IN AHOI LEH SIE
TAMPI HING TUN DING HI | : 17 |
| 7. SUNDAY SCHOOL... | : 18 |
| 8. BILLY GRAHAM IN A...: | : 19 |
| 9. JOU GAM LEH PASIAN THU | : 22 |
| 10. SIMLEI VAI | : 24 |
| 11. MISSIONARY BIOGRAPHY... | : 23 |
| 12. JCA FOUNDING FATHER | : 32 |

Life Member : ₹ 3000/-**Patron Member** : ₹ 2000/-**Kum Khat lah man:**

- i) Khut ah ₹ 200/-
- ii) Dah ah ₹ 250/-

Article zousie Managing Editor leh Editor kung a pieh ding; ahilouleh, Email in melcqrts@mail.com leh WhatsApp tungtawn a zong piehthei ding ahi. A lahman Circulation Manager kung a pieh ding ahi. Tualeh Article kigel zousie Editorte ngaidan ahikim suoh sih hi

Editorial laikung pan



“Ahivangin noute leh tami thuhun bawm kikaal tethaw in tong tul ni vel a akigamlat ding ahi, nap eina ding uh na theithe i na ding un, a nai ah hing pei sih un, aziehpén tami lampi tumasang lam in na zuikha ngai nai sih uhi,” chi’n thu apie uhi.(Joshua 3:4).

Ibieh leh ibel i Mangpa Pasion in kum 2025 hing galkaipi a, kum 2026 a ahing puilut tahziehin, i lungdam na thu akungah itun masa uhi. Tam atunga Laisiangthou bung le tang itahlat uh khu, Joshua in Israelte Kanaan gam zuan a apuilai a athugen ahi. Tami lampi tumasang lam in na zuikha ngai nai sih uhi achi pen ngaitua tham ching mama thukhat ahi. Eite’n jong Kum 2026 izuitou ding pen, izuikhah ngai nai vot lou uh lampi ana hijing ahi hi. Tami kum khu, Levi mite siemputen Pasion bawm azawn uh na muchiengun, na zui ding uh ahi chiin Joshua in Israel mipite ahil hi. Tami in agen nuam pen khu, izui ngainailou uh lampi izuina uah, ipastorte, ilamkaite, Hattuum pawlpi khat ihina dungzui ua izui dinga ibawl uh iki puihuaina bu te izuiding uh achina ahi hi. Eima thu thu a ipei lou ding uh china ahi hi.

Tulai eima ut dan dan a local hattuum peipi Hattuum Upa leh LCC member bangzat ahei khat um hilei akilawm a, apoi mama hi. I Hattuum buoina tamzawte iet veng veng chiengin, Hattuum kemdinga ina telkhieh uh ilamkaite ana hi zing hi. Pasion bawm ichipen tuhun adinga Pasion Thu china ahi. Tukum in Levi mite’n azawn uh Pasion bawm zuichiet dingin Pasion min in ikingen uhi.

Mangpan athu gualzawl ta hen.

Hui umlou a akina (breathing) theilou bangin, Thumna lou in Khristian kihi theilou hi- **Martin Luther.**

TANGSAM/TANGKOU

The Rt Rev Khup Do Khen, Bishop

I Laisiangthou pansan ding 1Timothi 2:7; 2Timothi 1:11.

Tangsam ichi uai mah, ahisihleh Tangkou/Tangtawh chi uai mah khat jawsam sam jang mai vai. Nidanglai in, singtang Khua zousie ah,hausate in, a khosung uah tangsam ding mi khatchit chiet anei uhi. Khum banga Tangsam dinga guot a um mite khu, Hausapa adinga mi ginum, muanhuai,thuguh kemthei leh chitah mama te ahi uhi. Tuama bangin, Leengte/kumpiten zong, ama uh vaihawmna gam sung teng ah tangsam ding mi, amun-amun ah ana koi jel uhi. Tambanga tangsam dinga guot a um mite khu'n, Hausapa thu ahiei, Leengpa thu ahei chilou thudang bangma atangkou lou ding uh ahi.

Tambanga tangsam a kiguot mite khu'n, a tangsam na thu khu khosung leh gamsunga mite zousie zahkimchiet dinga, gawllthagui gaap zena, Aw neisun sun a, angaithei top a, aitung koupi ding uh ahi. Atangkouna thute uah vang, thuneina bangma anei vot sih ua, ama uh sawlpa Leengpa thu thu ahi bou hi. Athuneipa Leengpa gendan banga tang asam sih uleh, ama uh te gottheina leh thalup theina thuneina zong khu Leengpa khut a um ahi. A thu tangsam

uh suhbuchinna, sepsua leh suhtangtun a aup theina ding jong Leengpa thu thu ahi lel hi. Tangsamte tungah thuneina leh thupina bangma aum sih a, hinan leh ama uh Sawlpa, Kumpipa khu thuneina sangpen nei ahi ziehin, Tangsamte gensia, simmaw leh bawlgentheite khu Kumpipa'n dawm vot lou ding ahi.

Tuama bangin, i Mangpa Pasian in jong Tangsam a kuan ding mi aguot auma, khumte khu Pastorte leh

Pasian in eite hing nuamsah (comfort) a, eite nuam-suona ding hilou hi; ahivang midangte nopsah thei ding in hing nuamsah ahi—**Billy Graham.**

Evangelists te ahi uhi. A tangkou ding uh thu khu bangma dang ahi sih a, JESU HUNDAMPA AHINA THU ahi (2Korin 4:5; Rom.4:25). Tam athu tangkou te uh khu, ama ma uh Theipitu/Witness a apan ding uh ahi. Tamthute khu A thuneipa i Pa Pasian deidan banga, hangsan taha atangkou ngam ding uh ahi. Tuaban ah, athu tangkou uh pen ana ngaikhie miten atheisiam theina ding uleh apom siam theina dingua, tangkou dan asiam ding uh ahi hi. Tuaban ah, athu ana za kha, ana ngai khaten zong zuipai thei dinga thupuhna alah ngam ding uh ahi hi.

Tuabanga Athu tangkoupi dinga telkhieh a umte khu, i Mangpa Jesu in, ahina ding uh leh adinmun ding ua ana pieh khu, A THU THEIPITUTE chi ahi. Johan 15:26-27; Nasepte 1:8. Tambang ahitah leh, adeu dieh in ei Pastorte, Evangeliste, Upate leh LCC te khu A thuneipa Jesu Khrist

toh kithua khawm, hun jangkawmte ihi ding uh ahi. Johan 1:1-3; 15:27-ff. Itangkou ding uh thu pen, Pasian Thu, ahing, silbawlthei, dawite deldoh thei, natna damsah thei, guolzawl thei, namsau alangni a hiam, ikhuttoh ituhna ding (abull) umlou ahi (No handle).

Theipitu ihina uah, ginum taha, sihngam a pangding china ahi. Tami khu Sapham in Witness akichi a, Greek ham in Martus, Martyr akichi hi. Jesus Khrist min a Martar a shi ichite khu tami kammal akipatsa hing kilakhie ahi. Kiletsahna ding bangma a um sih a, a kingai ngiem mama dingte ihi zaw uhi. Baptispa Johan kunga koi na hi mong e chia adohlai un, “*Gamdai a Aw ging khu ka hi*” achi hi. Johan 1:23.

Tangsam dinga guot a um mite khu’n, A thuneipa i Pa Pasian kunga patsa thuneina anei uh ahi. Khumi thuneina khu Order pieh

Hinkhuo khu Pasian laibu ahi, Ama ma gielsah in— **Isaac Bashevis Singer.**

ding, command bawlding, jep ding, notdoh ding, that ding chia thuneina ahisih a, KHOTUANA nei ding china ahi zaw hi. Hattuum mite khu itate ahi ua, tahsa hagau a adinmun uh itheichien ding uh china ahi zaw hi. Tua ahiziehin, itangkou uh Thu pen Thuhing ahi mabangin azakha, angaikhie mite khu adopsang ding ahi hi. Tasa lam leh Hagau lam a adopsang tei tei ding ahi hi. I Thugen pen THUHING ahiziehin, angaikhie mite adinga damna, kibawlphatna, guolzawlana, Pasian toh kinaina ahi ding ahi. I Thugente khu angaikhie mite adinga

damna ahisih leh, Athuneipa hing thupiehpén genkhalou, tangkou khalou kihi maithei ahi hi. 2Tim.2:24; 1Thess.2:7

Tami Thu tangkou dinga guot a um ten khu, veinatna lientah nei a atangkou ding uh ahi. Nasepte 20:21. Thutah leh a hingzing thugen ihi ziehun, ithugen mama uh, ei agen ten jong itheisiam masah angai hi. Hepina Thu ahizieh in hepina leh lungsietna neikawma igen ding uh ahi. Johan 2:16. Tangsam dinga muan leh guot a umta ihi ziehun, etton tah hinkhua izah ding uh ahi. Tita 2:7; Matt. 18:6,7; 1Pet. 5:2,3.

BANGZIEH A INDIA MITEN KHANTANHOI ZASUOH NAILOU UH ADIEI?

Thumapui: Tami Article khu **Pu P.G. Vargis** in “Light of Life, July 2006 Issue” ana gelpen tunia ei Southern Manipur a teng Khristian ten zong ithei ding ua iphattuompi thei khah uleh chin kahing lasawn hi. Pu P.G. Vargis ahileh Founder, Indian Evangelical Mission (IEM) ahi hi. A thugente ensuh tavai leh:

Ginna khu na mulou a ginna ahi; tua ginna Thaman pen na ginna a bang na mutheina ahi— **St. Augustine.**

AD 52 laiin India gam ah, Mangpa Jesu nuazui 12te lah a khat Thomas kichipan Khantanhohi ahing polut a, ashi dawngin i gam sung mun tuomtuom a theitawp suohin Khantanhohi a tang koupi hi. Ama khu Pasian min in ei Indiate ang ngaikhaw nazal in Martyr in ahing shi hi. Tuin ashinuo kum 2000 in India mihing 2.23% bep Khristian kihi giep hi. Aman agenna a, bangdia a India in Khantanhohi zasuh nailou adiei? chia agen point 7 tam anuoi a bangin i-en khawm ding uhi. Tuate ahileh:

1. Protestant Hattuum khat behin Missionary nasep ngaisahlou hi:

William Carey ahing tun mateng India ah, khristian nna pen ana umsa tamoute a dinglel hiin ngaituo uhi. William Carey ahing tung chiengin lah Missioanry nasepna pen tumlam a hing kipan Mangkangte (English) bou sepding danin India

khristian miten koi uhi. Mangkang Missionaryte nangawnin India gam sungah missioanary nasep India miten asepthei dingun gingta lou ahiman in amau ading liuliau in angai/koi uhi.

India mi khristianten thu agen theina ding u'leh, Bishop dinmun atuh/luoh theina dingun Court a phalna alah uh angai hi. Kum 1974 in India in Zalenna ahingmu a, Missionary nasem a hingpeite a gam ua akinualeh lai unzong, koima hattuum in India gam ah missionary ei mopuoh hita chiin a Genda in neilou uhi. Tuabang a ngaikhawna nei ana hi uleh abawlthei ding uh um tham hi. **Gentena'n:** Kerela a Mar Thomas hattuum guo inzong, District chin ah Missionary kojou thamtham ding uhi. Kumchin a mipi tampi kikhawp khawmna, leitung pumpi a minthang kham nei gige uhi. Tami thu

Kingaangiemna dihtah khu nangma na thupi louna hilou in; nangma tungtawn a detlou theina a tawm zieh ahi— **C. S. Lewis.**

Marammon Convention achi uhi. Tamna a lamkaite uh M.A. nuoi hilou, Missioanry nasem ding kidei chiin hatna bawl uleh a tawmpen in mi 2000 (5000 tan zong lam-et thei) in dawng ngeingei ding uhi. Amaute mi khatin Ha khat in Rs 10,000/- nuoi hilou lohsah ding in a chawmtu ding tam khawmpi palaite lah a chouna (challenge) kibawl leh kimu ngei ding hi. Tami sil hithei ahi, chin a lamkaipa un zong gingta/pom hi. Tuami bangin Kerela a Church of South India leh Tamil Nadu a Church of South India ten puonatna, ngaikhona nei uleh hithei mama ding hi. Tuabang a hithei ding a dang tampi um nalai hi. Sum umlou zieh hilou, mi umlou zieh hilou in, ngaikhona leh puonantna hattuom neilou atawm zieh uh ahi hi.

2. Apويمaw lou a, akop a thuo (double) kisem tamseng:

State neunou Kerela sunga Bible College/ Seminary 400 val um hi (Dimapur kho sung a Bible College 30 val um hi). Amauten tumlam gam ah, India a hagau mangthaite lah ah nasepna ding in sum adong/asui ua, a sum kaikhawmte uh Bible College inn bawl na in azang uhi. Mi tamsem gam hausa gam ah vazin un, India gam miel puophatna ding in Sum va dong uhi. Tuaten Bible College inn lamnan azang ua, tuana hing zouten (students) Khristian hisate mah hing sol zel uhi. Mangpa Jesu'n, "Hat atam a, teelte atawm", chi zong leh, Bible Collegeten vang a ziltu ding poimaw ahiman in, "telte tampi ahi ua, hatte tomnou ahi uh" achi uh poimaw hi. Chennai sung ngel a Biehin 20,000 val a um a, tuate lah ah alien mama 30 val um hi. Hinanleh, Khristian hinailoute lah a nasepna uh muding umlou hi. TV a Pasian thu kigenna Programme/ Chennel lah

Ginna'n dotna zousie a suhsiet lou, ahivang a ginna'n dohna teng hoi a tung ding ahiei chi athei hi— **Elisabeth Elliot.**

a tamzaw Sapte ah ahia, ginglou miten theilou uhi (English ham theilou). Tuana thugentu ten Indiate Tondan theilou ahiman un, India mite theisiem, pomsiem/sansiem ding bangtah in Pasian thu genthei lou uhi. Tuasangin, India mite gensah u'leh ahoizaw ding hi.

3. Hattuum naspna bing (narrow mind) seng:

Kei deidan peithei ding hileh, Bible College apan a hing zoukhete lah a tawmpen in mi 10% ten Missionary nna sem u'henlen, hattuum zousie in Kum khat sunga i Sum zatte uh atawmpenin 10% missionary nasepna in zang uleh ka dei hi. Khristian mimal leh hattuumten tami dan zui uleh India gam sungah Khantanhoi kigen suo baipen ding hi. Hattuum hausa mama India ah tampi aum hi. Mar Thomas hattuum, Orthodoz hattuum, ban ah Nagaland, Maghalaya leh Mizoram

hattuumten tami dan zui thei uleh India gam sungah Khantanhoi kigen suo baipen ding hi. North India apat Missioanryten Centre India gam a nasepna hamsa asah uleh, sil hoiseapna lam ah kizangin, thumna leh a Sum in pang thei uleh phatuom mama ding hi.

4. Mi tamipten nasep a nopna mun del uhi:

Pasian in India mi tampi India gam sunga Khantanhoi genza dingin ahan a, amaute lah ah mi tampi'n India polam ah sem uhi. Laisiem, nasepna, thugensiem leh a pilte in India polam a nuom tahin sem uhi. Tuabanga India polam a nasem India mi 10,000 val um uhi. Amaute hing kilehin India gam sungah sem uleh Kum 5 sungin India gam sung ah Khantanhoi kijahsah jou ding hi. India gamsung a sep ding paulap in India gamsung leh a polam ah Bible vazil un, azaw chiengun

Vantung a vahna sungah Pasian ginna bangma hilou hi; ahivang khomiel sungah Ama ginna khu ginna ahi— **Charles Spurgeon.**

India gamsung ah sem utnon
lou uhi.

**5. India a Missioanry
nasem hattuomte
kimuongtua lou uhi:**

India a Missionary nasem
pawl tuomtuomte zong
kimuongtuo chiet lou uhi.
Tamte zieh in, semkhawm
theilou, kithuo-kipanpi tuoh
theilou uhi. A lamkaite uh
kimuongtua louin, kidem tua
chiet uhi. Hattuom lamkai
liente kipawlkhawmna
(fellowship) tom mama
uhi. Ha khat sungin
khatveibe kipawlkhawmna,
thumkhawmna nei thei uleh
phatuom mama ding hi.

**6. Lamkaite etton thei
ding umlou:**

A gen uong khatin vang,
tuni in Anania leh Saphirate
nupaten hattuom lamkai
hina tuhta uh, chi uhi
(Ananiate nupa hinkhuo
theisiem nate maw?). Peter
banga khut silsiengthou,
mit siengthou leh lungtang

siengthou toh mite en kilkel
a, lungtang suhkha dohna
tamlou a dawngtu ding i
nei nonlou zieh uh ahi hi.
Lamkai kichi zousie ten lah
koima thunuoi a umlou ding,
inn hoipipi a teng a, Gary
hoipipi zanga nuom tah aum
ding, koiman bangma ang get
theilouna dingin, amau ua
Bible College ahiei, nasepna
tuom phukhiet sawm uhi.
A nuomthei bangpen a hin
ding, koiman bangma ang
get theilou nadia hin ding
atup thupipen uh ahita hi.
Michin asepnaleh a sum
muna leh azatna, ahi bang
bang a phuongkhe dinga
mansa gige a um ding ahi hi.

**7. Michin in a nasepna
Singtang dawn a
avapatding uh ahi:**

Lamkaite a tate un lamkai
hina atu paiding china
umlou ahi. Tami dan kizui
theileh ahoi ding hi. Bible zil
masat ding, tua jou chienga
Singtang dawn a vasespna
masa ding, tua jou chieng

Ama ma ginna mi pen mangthang hi. Pasian ginna nei mi ahileh
bangkim bawlthei hi— **St. Alphonsus Liguori.**

leh awl awl a a khopi sunga kisuon lut ding, tua chieng leh lamkai dinmun a lut pan ding ahi. Michin in tam lampi azui ding uh ahi hi. Singtang dawn a semkha vawtlou a khopi sung chou/bou a sem um tuom lou ding ahi. Singtang dawn asem khopi tung ngailou, khopi sunga sem singtang dawn tung ngailou chi aum lou ding ahi hi. Tam bang peidan akizui lou ziehin, India gam sungah mi tampin Khantanhoi zasuoh nailou uhi.

Akhupsitna: Tami Article nasim napan bang zil ding

namu khie ei? Na zil khiette nazat sawm ei? Southern Manipur sunga Khristian ten zong tambang lungsim nei in Pasian nna theitawp in sem chiet leh, bangdia i gam sungah dihtatna, gin-umna leh kipumkhatna umlou ding e! mimawl ka hina ah letdan a achinglou leh aval seng aum leh Pasian leh simtute kungah na hing theisiem ding uh ka hing ngen hi. Mangpa'n a thu hing guolzawl chiet taken.

Source: P.G. Vargis in *Light of Life*, July 2006 Issue, *alekhetu* Managing Editor.

KHRISTIAN LEH POLITICS

Rev Dr M. Thangboi Zou

THUAMPUI: I maban ah MLA Election hing um ding ahina ah, Hattuum Upa (Elder), LCC leh Hattuum Lamkaiten ithei ding ua hoi mama leh Khristian hina toh bang chi panla ding chi tupna in tam Article ka hing giel hi.

Politics kichi ka line ahisih a, nanleh Khristian ihileh Bible deidan bangtah a

Politics bang chi sai ding chi tupna toh mawltah a laibu tuomtuom akipat kaikhawm

Ken noute kang it bangin noute zong ki it un... Itna tamseng kizil theilou hi— **Amy Carmichael.**

a hing giel ding ka hizaw a, iphat tuompi theina dingin simtu zousie Mangpa Pasion in Ama (Pasion) deidan a Politics saithei tadin hing guolzawl chiet taken, chi ka thumna ahi hi.

Politics kichi ahiding bang tah a akisai leh asietna aum sih a, nanleh mimal hamphatna ding, let leh lalna ding deina zieh a Khristian hina manghil zen a isaina un politics kichi isuhnia uh ahizaw hi. Khristian ihi uleh Politics sailou ding ka chi sih a, nanleh i Khristian hina manghil zen a isaina un hoina sangin sietna lienpi hing tun ahizaw hi. Tua ahileh Politics kichi koite sai ding e? Tuami thei khietna din laibu tuomtuom leh Seminar paper bangzat ahiei apat kaikhawm in tamna anuoi a te mawltah in isutkhawm ding hi, tuate ahileh:

POLITICS HILCHETNA: Politics kichi **Grik** thumal “*Polis*” apat kilakhie ahia,

Mang haam in “*The State*” china ahi hi. Politics ichi chiengin “*Vaihawmna dan*” (the art of ruling) china ahi hi. **Grik** thumal a “*polis*” khu “*Khopi a hinna*” (the life of the city) ahi chia hilchen pawl zong aum hi. Ahina toh gen ding hitalei, “*Politics kichi mihingte hoina ding, bitna ding leh khantouna nasepna zousie a genna*” ahi hi. **John Stott** gendan in, “*Zautah a gen in politics in gam khat hindan leh a sunga teng mite mopuohna akaw hi. Tuami ziehin politics in gam khat a tengte hinkhuo zousie ahuop kha hi. Politics ichipen Community khat a tengkhawm theina siemna ahi*” (it is the art of living together in a community) achi hi. Aneuzaw deu a gending hilei, “*Politics in asai ahileh gam khantouna dinga policies bawl ahi. Politics ichi khu society a kikhelna umna dinga thuneina lasawinna ahi*” (it is about gaining power for

Na hitheina khu Pasion in noute tungah a pieh guolzawlina ahi; na hing pienna khu Pasion tungah na pieh thupha ahi— **Hans Urs von Balthasar**.

social change) chi ahi kia hi.

i) **Politics leh Sakhuo:**

Mipil masate thupil gennei mama khat “*Work is worship*” chia a um a Pasian silsiemte adieh a mihingte hoina ding a nasepna khu Pasian biehnaleh nasep thupi pen khat ahi. Indiate Pa chia chiemte a um **Pu Mahatma Gandhi** in, “*Gandhi adia sakhuona khu mi hinpite adia nahoi sepna ahi ziehin sakhuo nasepna (religious duties) dia politics alut ahi*” akichi hi. Tunia igam sunga Politics saitute a political philosophy (concept) uh adih masia a politics saidan uh dih ngailou ding ahi uhi. **Thupil** khat in, “*Na Hagau mit lou inzong sakhuo mit sawm in*” akichi hi. I gam a Politiciante khu Khristian ngen ahi ua, nanleh a khristian hina uh manghil zen in agam tang uhi (imai election hun ah ana en ulechin chieng mai ding hi).

PASIAN LEH POLITICS:

Pasian leh Politics kichi

thumal khu thu lamdang khat ahi a, Bible gendan thei beilam na din mawltahin hichin isut ding hi. Tuat ahileh:

i) **Politics alienzaw**

a etna: Pasian nasepte’n leitung, leinuoi leh huikhuo ahuom suo hi (Gen. 1: 1, Deut. 9: 16, Ps. 148: 5, Jn. 1: 1 & 3). Tomkim a gen din “Sil zousie Pasian bawl leh aneitu ahi” (Exo. 9: 16, 1Chro. 29: 11-12, Ps. 33: 6, Acts 17: 25, 28, Rom 11: 36). Tam Pasian nasepte leh asaitu din Pasian in mihingte mopuona apieh hi (Gen. 1: 26-28). Tam etkawlna ah Pasian in leitung pienchil akipat ana koi khawmsa system ahiman in tuamun a umte Pasian in aguot ahi chin Bible in agen hi (Rom 13: 1-3). Nanleh Pasian guot banga um theina din tulai politician ten mipi deitelna sangin Galvan tawite toh pangkhawm in tua mopuona alazel na un Pasian leh Bible deidan a Politics asai

A nunglam hun (past life) khu Pasian hepina ah pieh in; tu hun (present life) khu chitahna ah; mailam hun (future) khu Pasian vaihawmna ah pieh ding ahi— **St. Francis de Sales.**

uhi, akichi ngam na diei mah chi khu ahi hi. Kei mimawl mudan leh ngaidan in, “*Sum senglou leh Galvantawite toh pangkhawm lou a mipite deina toh tua mopuona tangte khu Pasian lemguot hidin ka ngai sun hi, nang zong na chi sih amah????*” (I gam peidan enkawm a ka hing get ahi, koima mimal dem hilai zanglou kahi, aselam a nala leh kei gennuom dan toh kikal na hia, amoh ken ka posih ding hi).

ii) *Politics aneuzaw a etna:* Gam khat ahiei, biel khat sunga khantouna ding, lemna leh muonna a upna dinga nasepna ahi hi. Nang MLA, MDC lawchinna din na pienpi na sanggamte dougal a ki-en din phal sinlen, dougal-melma a ki-ente nang vang in nuikhawm, kihouthi hizaw din pan lasawm hi. Politics neuzaw a etdin, “*Mangpa Jesu’n political party abawlkhe sih a, Ama hunlai a siltungte bangma a*

ngaisah nuom sih hi. Nanleh A nasep zousie khu political ahi”.

HATTUOM LEH POLITICS: Pasian silsiemte etkawlina leh nasepna khu Hattuum dinmun (a role) toh kisai a et ding ahi. Politics kichi Hattuum toh kisai ahimasa sih a, Sakhuona toh zong kisai ahimasa tuon sih hi. Tam gamsung vaisaina ah Moral value leh hoina dan (virtue ethics) zui ding aum a, tuami zui khate a vangpha ua, azui khaloute a gam miten avangsietpi uhi. Hattuum hina theichet dingte:

a) Hattuum toh kisai:

i) *Hattuum kichi bang adiei:* Hattuum kichi khovel a kikepna (system) umsate hilou in Penticost ni a Pasian in (Jesu Khrist) aphukhiet ahi hi. Hattuum umnasan/ atup thupipen ahileh, “*Khelna vanga anapuosa, tangawn shina tangdia*

Pasian deina sungah lungmuanna lien tahpi um hi– **St. Josephine Bakhita.**

umsa mihingte hundam/tungdin kia a gingtute lah ah Pasian leenggam tun ding kia ding, Gingutte hinkhuo leh anasepna ah Pasian min suh thupi ding” chi khu ahi (Mt. 5: 13-16, Tit. 3:1-2, Eph. 2: 10, Phil. 1: 27, Jn. 18: 36, Lk. 17: 20-21). Tamte tup a neiin Pasian in Hattuum kichi ahing phut khie hi (Mt. 16: 18, 1Kor. 6: 20, 7: 23, 2Pet. 2: 1). Hattuum lutung khu Mangpa Jesu ahi hi (Eph. 5: 23, Kol. 1: 18, 2: 10). Nanleh **Politics tup** ahileh, “*Politics in mihingte leenggam (political kingdom) bawlkhiet a, tua sungah tasahlam khantouna, lemna leh muonna umsa ding*” chi ahi hi.

ii) Hattuum gamgi hoitan: Tam leitung peidan umsa sunga siltha Pasian in abawl pen bang tupna adiei, system

umsate toh kisai bang dinmun a koi ding ahiei chi khu Bible pansan a theisiem ahisih leh a buoihuoi sil ahingsuo ding hi. Hattuum leh politics kibang ahi ichileh Hattuum hing kiphu khietna san in umzia anei sih ding hi. I gensa mabang in, **Politics** in “*Tasahlam khosatna ding vai asai a*” nanleh **Hattuum** in, “*tasahlam hinkhuo a abeipei dingte pansan in Hagaulam nna asem hi*” (2Kor. 4: 18, Kol. 3:2, Mt. 6: 19, Jn. 4: 13, 6: 27). Hattuum lamkaiten igamgi manghil zen a nasep khat inei chiengun i politics uh asia a, tuamin hattuum sung leh chi-le-nam kal tan ah buoina ahing pieng hi, tuami ziehin Khristian te i gamgi kansan in nasep kidiem mama vai....

iii) Vaisan dan kiheng zel: Politics leenggam

Mangpa'n na natna athei a, Kamsiem in gen dawm sawm sin-
James Gilmore.

ah Kumpiten akul leh poimaw bangin thagum, thatang zangin vai ahawm uhi. Leitung kumpite Sum sen tamna pen khu gamsung humbitna dinga Galvan leina khu ahia, hinanleh Hattuum ah tuabang ahisih a, Pasian leenggam tunding nading, thagum hilou in itna, nunnemna leh ngaidamna chite toh ahizaw hi (Mt. 5: 39, Lk. 6: 29, 2Tim. 2: 24, Isai 53: 7, Mt. 26: 63, Mk. 15: 5, 1Pet. 2: 23).

b) POLITIC NASEP:

- i) **Koi patawi:** Politics in, mimal (politiciante) nasepte uang getna, mimal akan aval

a kipatawina leh kitoisangna thu a uang gen mama a, nanleh Hattuum in vangin, “Jesu Khrist tanchin, Khantanhoi aung gen mama hi” (1Kor. 2: 2).

- ii) **Kidemna:** Politics vai a party tuomtuomte kidem tuana, panpi tuom nei a kilang khen in thuneina akituh uhi. Vaihawmna innpi sungah zong vaihawmtu leh apposition a kikhenna aum hi. Nanleh Hattuum tup leh ngim ah tuate aum sih a, Bible in tabangte aphas vawt sih hi (Rom 16: 17, 1Kor. 1: 10, 3: 3, Jude 1: 19).

To be continue

KHRIST I LUTANG

Tualsung Hattuum hina leh lamkaina khu abuoihuoi chiding ahi. Mawltah a kamtenga vaihawmna (rule-by-decree) a tomzaw vaihawmna (Oligarchy) leh mipi vaihawmna a pomsih a, Hattuum in Khrist nuoi a, a nuazuite apat mabanah zahlatna a nei hi.

Mi khansiate hinkhuo khu buoinan azui teitei hi- **Smith Brown.**

Jesu Khrist in a hattuum leitung kivaihawmna a etton ding a deisih a, a mipite leh lamkaite kikal a hamuon naleh a mawlina(simplicity) a um hi. Khrist Khu hattuum lutang ahi. (Eph.1:19-23). Thuneina teng neitu ahi- (Mat.28:18) Ama hattuum suongphum ahia (I Kor.3:11), a ninga suong poimaw pen ahi. (Eph.2:20), Belampu lien pen ahi (I Pet.5:4).

Khrist hattuum lutang ahi pomna leh zatatna lampi khat khu Passtorte leh Upaten a thuneina un a zawtan theichien uh khu ahi. Amasa pen, Khrist thunuo i a um, anina khu khat leh khat kizopna ah, Upa, Khrist ahi lou lam kithei te khu Belampu hoi ahia, Hattuum pawlpi ama alutang ahilou a kipan leh lamkai Pasian thugin umtah a hil dingten apui ding kilawp te ahi.

Upate leh Pastor a bangchi kizop ei?

Dan ah: Laisiengthou gendan tah in, upa teng khu Pastor ahi. (I Pet 5:2) Peter in upate nalah ua um Pasian belamte ching (Shepherd, Greek-Pastor) un achi hi. Paul in Ephesa a hattuum upate belamhonte veng (Care, Greek- Pastor) un achi hi. Ama sisan a a leite (Acts 20:28). Tualeh Thuhunthah a Pastor khatvei kizat khahna (Ephe.4:11) na in upa toh aki bahlouna agensihi hi. Hinanleh hattuum in Senior Pastor neita leh koi in thuhil, kitenna, shivuina leh hattuum lamkaite etzuina a tamzaw abawlta diei? Upate leh Senior Pastor kizopna bang adiei?

A kikum (equal): Amasa pen in ama khu upate lah a khat bang a apom ding uh ahi. Hattuum in upate atoh kibang lou mawpuohna penan leh Laisiengthou in upate toh kibang in a gen hi. Vote khat anei a, upate lah a khat ahi.

Athawn a mutu hisang in, mantam tah a lei a petu ahoizaw hi-
Charlie Jason.

Chair luotu (A Chairman): Upate lah a Chair luotu hi in hisih lezong Chair luotu ahilou na ding zieh tampi a um hi. Chair luotu tuom nei zieh in upa dangten ama utoh kikim angaituo in, upa dangten thuneina tamsem ahing nei ua lamkai hoi ahing um theina ding lampi khat zong ahi.

Akikimtelahaamasapen (First among equals): Senior Pastor in mipite thuhilna tamzaw abawl ziehin mipite leh upate lah a thuneina asan zawh ding ale-lamah gen in dantoh kituoh a athuneina upa dangte toh kibang ahi, hinanleh a ngaidan a pei zaw ding gin umna leh lungsim pilna a latsah dungzui in, tuazieh in a kikimte lah ah amasa ahi.

Hoitah a ngaituo kikimsah (striking a prudential balance): Atangpi in upa dangten Senior Pastor toh akizopna ua hoitah a ngaituo a kikim

dingdan a zil ding uh ahi. A langkhat ah Pasion in a lamkai luboh uh tung a silpieh tuom vilvel(unique) apiehte zieh a 'Kipah thu genna a mukan(muzzling) ding a tawpen ding uh ahi. (1 Kor. 9: 9; 1 Tim. 5: 18) Upa dangte sanga thudoh tam ding, Pasion in mawpuohna apiehte chiet hoitah a sem a apilvang ding uh ahi. Atawpna ding in kikim(equal) hina ding khu lungsim pilna ah akinga hi.

Sum leh paai a mopuohnate (Financial responsibilities): Vaihawmtute khu sumkentu toh naitah a semkhawm ahi, accountant (sum tuottu) leh semtu dangten hattuum in Fund te hoitah a zah na ding leh sum toh kisai dante a zui theina ding a pan alah ding ahi. Hattuum vaihawmtu in semtute Pay Roll a enkai ding a, semtute a phatuom ding, insurance leh hun awl a chepte ding ahi. Pawlpi

Ga suo zing gingtu na hitheina dingin, thuh tah a zungkhoh apoimaw hi- **J. Edward.**

Budget bawl in a luikhe ding ua sum mu dingdan a ngaituo ding uhi. Hattuum sum muna panpina leh zuakhiette apat, hattuum account a sum thunlut in, sum zahna dingte pie in, sumlut leh pawt ahoina ding a ngaituo ding hi. Vaihawm tu in sie(tax) pie dingte ahun tah a pie ahina ding ah a poimaw teng a bawl ding hi.

Hattuum vante etkawl (manage Church Facilities): Hattuum vaihawmtuten Hattuum vante etkawl in hat- tuom nasepnate leh a bitna ding a asil bawlte huom a- muna dingte leh vanzah te kituptah a etkawl ahi.

Source: *Gospel Tangkou January-March, 2021 Issue* apat kang lasawn ahi.

2026 KUM IN AHOI LEH SIE TAMPI HING TUN DING HI:

Pastor Muan

Kumtha Chibai!!

2026 kum, ni 365 lamjawt ipanta a, mulou lamsau jawt ding ihina ah, Mangpa Pasian khut hat sungah kikem sah vai. Kum 2026 in eite dingin;

- | | |
|---------------------------|-------------------------|
| a) Ahoi leh asie; | f) Lam etna leh zauna; |
| b) Kipahna leh daana; | g) Thanopna leh ngapla; |
| c) Nuina leh kaana; | h) Vangphatna leh |
| d) Nopna leh thomhauna; | vangsietna; |
| e) Kinepna leh mangbatna; | i) Hinn leh shina;... |

Ituo ding tampi koi hi. Ahoi pen ikinep lai injong, ahoilou penpen maituo dingin kising sah vai. I tenna leitang samsietna gam ahi a, Vangam bou ah bukimna tang ding ihi, chi thei

Pasian pan theilouna sil guonggalna khu lawsapna bul ahi-
Edward Harper.

in. **Job** in azi kungah, "... Pasion a kipat in ahoi imu dinga, ahoilou zong imusih diei mah? achi hi.

Pasion thuchiemte thei in, Pasion ah kingah in, Pasion lam en in... 2026 lamzawt vai. Mangpa Pasion in, "Zau sih un, ka hing umpi hi, Lungke sih un, Keima na Pasion uh ka hi. Ka hing hat sah dinga, Ahi, ka hing panpi dinga, ka dihtatna khut zietlam in ka hing tudet ding hi", achi hi (Isai 41:10). Ama Immanuel Pasion ahing umpi zinga, taisan ngailou Pa ahi. Nang Ama na taisan kha am?

Ahoi penpen i lamet lai in, asie leh hoiloupen zong maituo dingin kisingsah vai, ginna puasie lou dingin, Mangpa Pasion ah kinga vai.

Mangpa hing umpi in, hing mapui zing taken!!

SUNDAY SCHOOL BANGZATAH A HOI AHIEI

America gam a laibu gielpa khat in, hattuum tuomtuom 10 apat lamkai leh milien mi tulkhat (Mi-1000) teelkhie in amauti tangthu, anaupan lai uh, ahing khankhiet dan uh suina aneina apatin, tambangin Nipi Sang (Sunday School) ahoina leh amanphatna suikhie hi. Tuata ahileh:

- | | |
|---|---|
| a) Hattuum a mihoite; hattuum a kizang thei za 100 lah a 75 (75%) te khu Sunday School kai zingte apat ahi uhi. | apat ahi uhi. |
| b) Mission workerte akipat in Mi 100 lah a 80 (90%) te khu Sunday School kai zingte | c) Pastor leh Evangelist mi hoite khu mi 100 lah a 95 (95%) te khu Sunday School kai zingte apat ahi uhi. |
| | Thamlou in, Leitung a mipil, siemna neite apat amukhiet dan ahileh: |

Pasion masang a phuolgu sang in, I hina banga kiphuon khiet khu damna ahi-**m C. Hodge.**

a) High School naupang 100 lah a 60 (60%) te te khu Sunday School kai zingte apat ahi uhi.

b) College naupang 100 lah a 40 (40%) te khu Sunday School kai zingte apat ahi uhi.

c) University naupangte 100 lah a 20 (20%) te Sunday School kai giep uh, chiin mukhie hi. Tua ahiman in Sunday School pen naupang siemna ding, bawlhohi nading a abulpi khat ahi.

Nu-le-pate aw, na tate na kepna dingin Sunday School zangin; amaute a ponthohna ding leh athanopna ding, achinden na ding un, panla pi inlan, ngaikhopi inlan, azui den din mapui zing in. Thu

dang ladang a buoipilouna dingun, sildang akizatlouna dingin, kemin, enkawl in, mapui zing in. Tua ahileh na kisia vot sih ding a, na kipahzaw ding hi. Pasion thu toh na tate a khantouna ding, ahinpina dingun na septhei zousie toh pan lapi in. Mangpa Sunday School guolzawl henlen, Sunday School kaizing mite manghil ngeilou hi. Pasion thugen minthang D. L. Moody in, “Ka Sunday School apat in naupangte ka ki-apsah a, apiengtha uhi” chin agen hi.

Source: *Rev T. Muan Khup, Manipur Witness, January & February, 2023 issue apat kang lekhiyet ahi by Managing Editor.*

BILLY GRAHAM IN A DAM SUNG AH MISIETNA APAT BANGCHI KIKAWI KANG THEI ADIEI?

- Lee Grady

Evan. Billy Graham khu Kum 99 a dam a, a damsung in Elaibu bu 30 agielkhie hi. America President mi 12 toh ana

Na hinkhuo Pasion sang a nangma thu a letzaw laisie lawsam zing ding nahi- **William Baxter.**

kimu tuo ua, tuama bangin mi mattaduoi a sim te kungah Khantanhoi ana gen hi. March 2, 2018, in ama inn mun, Charlotte, North Carolina, ah a vui hun in *“ginna a galhang chia thei mai hilou in Pasian thugen mi kingaangiem, dihtat leh midang tampi te etton thei ding a hinkhuo zang”* chia chiemte in ana um hi.

Billy Graham in mi zana bangzieh a tang thei adiei? Tualeh a ministry kum 75 sung ah minsiet theine apat bang chia kikang kawi thei adiei?

Kum 1948 in Billy Graham kum 30 ahi a, tualeh ama leh asepkhawmpite khu in neunou khat ah Bible simkhawm leh thum khawm in nasep (ministry) ana pan uhi. Tua hun a ana pangte khu Evan. Grady Wilson, George Beverly Shea leh La puitu a pang Cliff Barrows te ahi uhi. Billy Graham in asepkhawmpite ana hantawanna khu *“Pasian zau kawm in nasep siengthou tah a sep ding”* chi ahi. Tuami akipat in nasep (ministry) ah peipi/zui dingin *“The Modesto Manifesto”* ahing pankhie

uhi. Tua khu Billy Graham Evangelistic Association puihuoitu pen ahing hi ahi. Billy Graham Evangelistic Association khu Kum 1950 ah pakhiat ana hita hi.

Billy Graham Evangelistic Association te *“The Modesto Manifesto”* ah sil poimaw mama li te ahileh *“Lungsim sieng (honesty), dihtatna (integrity), siengthouna (purity) leh kingaangiemna (humility) te ahi”*.

Lungsim Sieng (honesty):
“Ka sil tup khat khu ahileh ka thugenna himhim ah media hihenla biehin hileh sil avalzaw ah genbe leh va gen mawi (gen siemtho) khu ka bawl ngai sih. Mi hing kikhawm zat leh a ahung siimtute khu ministry

Zil topna khu kisiem mohatna dinga suanlap ahi- **James Rodrigues.**

minthang zawna dingin a tam lamlam ah report ka bawl ngai sih uh” achi hi.

Dihtatna (*integrity*): Sum leh pai zatna himhim khu board of directors theipina leh lemsahna ka la zing hi. Tualeh Local Crusade na a sum senna teng khu hoitah in ka suodoh zing hi.

Siengthouna (*purity*): “Ministry sung ah khu numei leh pasal kal ahsolna apat kiven ding ahi chi ka ha gen tam mama hi. Sepkhawmpi hitalezong numei ama tang in ka umkhawmpi ngaisih. Tualeh ka program leh peina ding zousie khu ka zi kungah ka theisah in ki muonna leh pankhawmna alangsah zel hi.”

Kinga ingiemna (*integrity*): “Ka siltup dang khat ahileh member apat koiman midang, ministry dang, denomination dang hihen la theology ladan tuom leh tawndan kibanglou

umnanleh koima kigensiet lou ding chi ahi.”

Tamte ziehin Billy Graham khu kei a dingin hagau lam ah ka etton zing khat ahi. A ministry hing kipat lam in ana theichien khu ministry khu Pasian a ahi, ama nna sem ka hi zieh a ka ut dandan a sep leh bawllam dang thei ahi sih chi ahi. Billy Graham in Pasian thu Bible khu a kaihuoitu/ apuitu hoipen in azang hi.

Billy Graham a hinkhuo tomnou sung ah, akipatna amanghil ngai sih a, bangchituh a minthanna tang/ nei nanleh kiletsahna himhimaneisih. Presidentte, Leengnu te leh mi minthang tahtah te toh kithuokhawm in ann nekhawm nanleh ama tuppi (deepen/ peipi) khu Khantanhoik hu mi ngiemte kungah gen ding khu ahi zing hi. 1953 kum in Tennessee ah program khat ah touna ding kawmutu (Usher) te’n mivom leh mikang ana khen

Na dinmun khu enchien in, na kungah Pasian a um zing hi-
Robertson Walker.

sawm lai un Billy Graham in tam kidaidanna khu ana suh bei hi.

Billy Graham in a genna ah, “*Kei khu thugen siem kahi sih, thugen siemte thugen ka ngai zing hi; kei zong amau bang a gensiem hi ka nuom hi. Kei khu mi vantang maimai Khantanhoi ka theidan dan a ka siemtheina top ah ka gen zel kahi*” achi hi. Billy Graham in agen khu, “*Mi khenkhat in Halthana (revival) khu ka suitcase a ka puo koikoi, tuami ka hon leh sillamdan hingtung dan in agel ua, hinanleh tuami hivotlou ahi.*

Tua khu Pasian nasep liuliau ahi. Mipi ngaisanna ka tan khu kipalpuona ahing hi khah ding ka zau mama hi. Pasian in a zangaina khut khu kei akipat alakhiet leh kei ah hagau ah bawltheina bangma neilou kahi. Ka lawchinna zousie khu Pasian in ka thumna ahing dawn zie liuliau ahi, minphatna tan ding bangma ka nei sih” achi hi.

Source: Rev Harry Muanlal, Muanna Aksi, April Issue 2023 apat ka hing lekhiethi by Managing Editor.

JOU GAM LEH PASIAN THU

- T. H. Tungnung

Tangtel: *Tuachi’n Jesu’n adawnga akungah, “Setan ka nualangah um in; Mangpa na Pasian na be dinga Ama nna bou na sep ding ahi, chi gel ahi,” achi hi (Luk 4: 8).*

Gam kiki mkhen Jouta kuol sung hii masang lai I puten Patatna Ghingki chipheh ahia, akitha phuoh thu zong ahi non sih Jat dang in kilom lout ah a amoph pum val thei ding zong hita lou hiel hi. A gam sung a tengte aki mot seng zieh in Nam dangten theisiem nan anei lo uh. Jou kuol hi Pasian thu lam sanga amiel

Bangkim khu eima ah kipan dih a hia, eima leh eima kisuhath zel ding ahi- **Crammer Leo.**

*Simlei vai***ARTIFICIAL INTELLIGENCE (AI)**

Kum Zabi 20 kimkhat akipat in Industrial Revolution
a li veina chi thei dingin hing kipan in tua in digital
technology leh artificial intelligence te ah natangpi'n
kikhelna hing tun hi. Gam khangtoute bou hi nonlou in
khoneu nangawn ah AI vanzatte napitahin kizang hi.
Sum suina bou ah kizang lou in, siemzilna, chidamna leh
a tuomtuom te ah kizang in, tangpi-tangta, innkuon leh
mimal hinkhuo ah napitahin hing gachip gawp hi.

Adihtah in gen leng,
tambanga khantouna in
leitung khu ahing neusah
hieihiei hi (global village).
I mu ngailou mun leh
muolte, i thei ngailou haam
leh paute leh khuol gamla
a um i meltheite khu AI
tungtawnin kimuthei leh
kitheithei tahi. Tam bangin
AI kizatna hing khanglaitah
in COVID-19 hing um in,
mipi kikhopkhawmna,
sanginn, biehin, zum
te ngeina bangin kihong
nonlou ahi man in hattuom
khat pou pou in zong vanzat
khatin zang ihi manin nasia
tahn hing khangtou hi.

Nasepna beilam sahin na
khat pou pou matutzawna
khu nuom mama hi. Tua
bang laitah mah in tam AI
advance technology in ei
Khristiante a dingin I ginna
leh lam-etna ah chouna
(challenges) lienpi hing
guon hi. Tua ahimanin
tam thupi ah Artificial
Intelligence (AI) bang ahia,
nam tuomtuom in tam toh
kisai chouna bang um ahiei
chite enkhawm vai.

AI ichi chiengin mihing in
a bawlmachine khatpou
sungah pilna, chiman leh
theitheina kiguonglut in,
mihingte bangin nasem

Sil lui thei zingna sal in ahing tangsah zing hi- **Henry Marin.**

leh gamtang thei ding in a kibawl china ahi. Tamte khu Computerised ahi uhi. Anasep uleh a kizatna uh toh kitua gang chi-7 bangin khenthehi hi.

Reactive Machine: Tam AI machine khu alui penpen in akituat a, theine a chiengtan (limited) kiguongin ama leh ama in nna asem/ a gamtang thei chi khat ahi.

Limited Memory: Tam AI in ama sunga akiguonglut theine bou a zanglou a, asepsa silte en ki en in mailam hun ah ahoizaw silte bawlkhiatna in akizang thei chi khat ahi.

Theory of Mind: Tu laitahin AI toh kisai nasemte in a tha it mama uh ahi. Tam AI in nasep bou hilou in, mihingter poimaw (needs), nop leh da phona (emotions), lunglutnate theine leh ngaituana kikuppi thei ding chieng

dong abawlthei chi khat ahi.

Self-Aware: Tam AI khu a thu (in theory) bou ahia, mailam hun ah hing suo pai ding in akilam en ahi. Tami'n chi-le-sa lunggulna, gilkiel, dangtana leh mihingte in itheithe bangbang a phothei ding chi khat ahi.

Artificial Narrow Intelligence: Gadgets leh technologies tuomtuom sung ah a kizang tangpi ahia, amau sep leh bawl ding achiengtan (limited) tan bou semthei uhi. Limited Memory AI toh kikhat mama uhi.

Artificial General Intelligence (AGI): Mihing toh a kibang chet ding a kibawl chi khat ahi.

Artificial Super Intelligence (ASI): A tung a igen sangin a nasie zaw ding, thutanna (decision), sil khat pou pou hawmthawna leh tha-le-

Na touna akipat na dinkhiat lou leh zawna na tang ngai sih ding hi- **Robert Johnson.**

zung a zong mihingte toh a kibang ding chi khat ahi.

I gensa ma bangin tam AI naseptheina a theilou ki-um kia nonlou ding hi. Bang zieh in ichi leh COVID-19 um sungin khat leh khat, biehna lam, sepna lam, siemzilna lam leh a tuomtuom ah hing panpi pha mama hi. Chimoh tah a ium laitah hun in zong hinkhuo beilam zaw leh a nuomzaw ah hing koi hi.

Tuni chiengin mipil, mi siemte in AI toh kisai puo toutouuh, hunkhatchiengin tuate hing kizang ding hita hi. Tam technology lam pang ah khantouna napitah a hing um pen a hoina tampi a umte zongin eite ginna ah zong chouna napitah in hing um hi. *Theory of Mind* leh *Self Awareness* ichite ban ah AGI & ASI chite pen a thu bou a um nalai ahia, i theilou kal in hing muolsuo pai ding hi. **Schuurman** in a genna ah bang chi bang

ahiei ichileh, “*Stephen Hawking leh Elon Mush te nasepna khu ei mihingte a dingin patauhuo tam bangzieh chi leh amaute nasep gaa in mihingte hing suhbei ding a, mailam hun ah AI bou hing hi ding hi, mihing um nonlou ding hi*” chi hi. Tua bou hilou in, Ray Kurtzweil in zong, “*Tam AI vangin mihingte kishi thei nonlou ding hi*” achi hi. Tam banga mipil, misiemte in a gen uh thute hoitah a ngaituo lei, eite gina ah Pasian akipat in a hing kipan, piensahna, Khristian gamtatzia (ethics) leh Laisiengthou sung a kigel hun nukhie (biblical eschatology) chite ah dotna lienpi hing tungsah hi.

Tua ahiman in, tam AI toh kisai in nasepna khantou laitah in ei Khristiante in zong gina lam ah ikibulphuna uh thugilte ithei mama uh apoimaw hi. **Khatna** ah, a tahtah

Pasian gal pen Setan ahia, mihing gal pen mihing ma ahi- **Job Thawngno.**

bang ahiei (what is real? Ontology), bangchi thei ka hiei (how do I know/ epistemology), ahoi/ asie theine (right/ wrong/ ethics) leh mihing hina a akhietna (what does is meaning to be a human/ anthropology) chite ahia, a **Nina** ah, Khristian hinkhuo ah kihilna (teaching) leh zilna (learning) te ahi.

Laisiengthou tungtawn in mihingte khu Pasian lim leh mel sun in Pasian in hing bawl in hing piengsa hi (Gen. 1: 26-27) chipen eite kihilna ahia, thudih zong ahi. Tam toh kisai **Anthony A. Hoekema** in tam bangin agen hi, *“Eite khu Pasian lim leh meel pua ihi man un ‘Pasian um hi’ chipen a dih tahtah thu ahia, Ama’n leitung, vantung, sil zousie siemkhetu/ piengsahtu tahtah hi chi zong a tahtah ahi. Tua ahiman in ‘mihing bang ahiei?’ chi khu Laisiengthou in kichientah*

inhinghilhi” achihi. **George R. Night** in, *“Pasian’ lim leh mee lich chiengin chile-sa, sia-le-pha theine, hagaulam, khotang hinkhuo zatna, nopna-damna leh a tuomtuom te huom a, tam lim-le-meel vang toh thu ngaituatheina, thutansiemna, itna chite kinei thei in, Pasian isutna uh hoitah in kilang hi”* achi hi.

Silsiem (creation) toh kisai hoitah aietchiengin mihingte bou Pasian lim-le-meel sun a siem ahi, a dang bangma in tam bang hamphatna neilou uhi. Pasian’ lim-le-meel ichi in hagau, lungsim leh tahsa pum nei ahi man in AI lam toh kisai mipil, misiemte in mihing toh akibang chet a bawl uh vangin, Pasian’ lim-le-meel sun in bawlthei lou ding uhi. Pasian toh kizzopna nei theilou ding uhi. Mihingte khu Pasian in a bawlsa sildangte a thunei dingin mopuona hing pieh

Siengthouna khu Pasian i naina pen ahi- **John Wesley**.

ahia, mailam hun ah AI kithununsa sih lei, leitung ah nopna sangin buoina lienpi kitua zaw ding hi.

Tulai tahin tam bang ngaituana, awlmohna leh dotnate thupi gellou leh maitua tahtah huoi khollou ding hi. Ahi vangin pampai thei tuonlou hi. Tua ahiman in i thugente khu thutheina, thukikupsawna leh thukaikhawmna bou hilou in, a za mite a dingin ginna toh kisai hoitah in a ngaitua sah thei thute kihil poimaw zaw tahi. Bangzieh adiei ichileh, i mailam hun ah itua tou ding thu-le-la tampi hing um toutou nalai ding hi. Tam AI kichi a mangthang ding hi lou a, ipampai thei zong hilou hi.

Pasian toh tan kikim ding lunggulna vangin mihingte khelna khuh sungah kipua thei hi (Gen. 3). Pasian lou in minthan ding mihingte in a sawm uh vangin lawsam uhi (Gen. 11). Kum zabi tampi

pei zou ah mihingte in amau pilna leh siemna toh leitung kheel ding sawmin, Pasian a nuol sawm uh vangin lawsam den uhi. Tua ahiman in eite'n i ginna uh azauzaw a ipulah leh isuakhiet thein a dingin tam AI platform zang zaw leng chi deihuoi isah hi. Pasian khu tangtawn akipat a um, tangtawn in aum ding ahi. Mihing in a bawl van tuomtuom te septhei leh bawltheite ah i hinkhuo leh ginnate ngalou in, Pasian lim-le-meel a pua leh a keng mi pa/nu ihina thei in tua ze-etna guom sungah ipualouna dingin thu ngaitua in Laisienghtou bou in eite lampi dih hing hil meivah hi ta hen!

Source: *Pro Pastor Thang Lian Khual Shoute, "Artificial Intelligence" (AI). Edited by Rev N. Pau Sian Lal, Lungdamna Aw, Vol-XXXXVI, July 2022 issue, pp. 5-9. apat kang lekhiethi by Managing Editor.*


Khrist na bat ut tahtah leh na melmate adin na hinna lankhie in-
R. Wurmbrand.

MISSIONARY BIOGRAPHY:

REV. WILLIAM WILLIAMS (1859-1892)

“Mizogam gam a Missionary masapen ahi”.

– Rev Dr M. Thangboi Zou



REV. WILLIAM WILLIAMS HINKHUO

MASA: Rev William khu February, 1859 in Nantarnis, New Quay gei a um, Dyfed biel, Cardiganshire, North Wales ah apieng hi. New Quay German Sang ah Tan Sawm (Cl-X) a zou hi. Kum 1883 in Aberystwyth ah College of Wales BA a zou kie hi. Tuazouin Laisiengthou a zil hi. Kum 1885 in, Wales gam a Presbyterian hattuum ah Pastor nna asem hi. Gamdang a Missionary kuon dingin kum 1887 in guot in aum a, guot a a um bangin, 28th September, 1887 in India ahing tung a, kum 1887 in Nipikal thum nuo in Shillong ah ahing tung a, Khasi gam “Shella” biel enkoltu dingin guot in aum ngal hi. Mipien hoita ahia, a nasepna a lunglut leh taima tah a biel vehzou gige mi ahi. Mipite hoina diing a nasep a ut a, Leitung leh asung a sil umte zousie Mangpa a bangin enkol hi. Muol leh Luite a ngaina a, gamvah bang alunglutna lamtah ahi. Khasi biel a “Shella” a fang mun mama a, apeina munchin a Khantanhoi agenjel hi. John Wesley banga “*Thugentu Khuolzin*” chie hat in aum hiel hi. Rev William khu laigel siem mi ahia, a thugelte mite lungsim a zou thei mama hi. Khasi hattuum Tanchinbu “**U NONGKIT KHUBOR**” (The Messenger) kichi ah Editor in apang hi.

MIZORAM A ALUTNA: Mizoram (Lushai Hill)
Kum 1891 in, William khu Mission field a neithe ding

Sildih ahi chi itheichette hangsan tah a i genkhiet ding ahi- **C. Parkers.**

ahiei chie enkhetu dinga sawl in aum hi. 15th February, 1891 in Shillong nusie in, Keng in Ha khat val apei nuo in 20th March, 1891 (Ziltawpni) in Aijawl khopi ahing tung hi. Ha khat bang umthei ding giep ahiman in, Khasi haam lettu ding mi apui a, Khantanhohi agenjel a, a gam mite a it in ahepi mama hi. Aijawl a ni 29 (29 days) a um sungin, Pasian thu guoh genlou in, Jesu Khrist Lim (Picture Ministry) toh Jesu lim ahawmza hi. 17th April, 1891 in Aijawl nusie in, Khasi gam ah apeikie tahi. Liverpool a Mission munpi ah Mizoram a zinna thu report pedie anget zieh un, report hoitah a gelthaw in apie hi. A report tangpите ahileh tam anuoi bang teng ahi, 20th March, 1891 (Ziltawpni) in Aijawl khopi ka tunga, Aijawl khuo pen muoltung a um mun thoveng tah leh mun kidaw na mun ahi. Khuo kamu khateng ahileh muoltung ah um ngen

ahi. Tahsa damtheina toh kisai in, munhoi tah ahi. Tam miten Pasian thei na khat chieng anei uhi. Pasian pen Vantung amum ahi chin agen zel uhi. Pasian thu awi un, ka kungua Khasi gam a na um ding ua, lai nasim diing uh ka chi hi. Hunbikhen anei ua, Zinglam nai 9:00 vel khu naupangte gilkiel hun achi uhi. Ka Nai (Sana/Gohory) bul a en ua, lamdang asa mama uhi. A second gin khu a Bil uah ka ngaisah jel hi. Laiziel atep chiet ua, nasep kawm nangawn in zong atep uhi. Pasal ten “Zabel” atep ua, Numei ten “Tuibu” atep uhi. Tuibu bawldan alamdang mama hi. Keizong ahingpie ua, ka kipah mama hi. Mizo te khu Khantanhohi a lunglut ua, Pasian thu awi a ut sieng uhi. khasi mite toh akibat louna uh ahileh, Pasian thu a awi nuomna uh ahi. 17th April, 1891 ni in Aijawl ka nuosie tahi.

MIZORAM GAM A A

Khrist panglou in tui umlouna a nga bang ka hi a, Khrist toh ka hi chiengin itna tuipi ah ka um hi- **Saduh Sunder Singh.**

NASEP DAN: Wales Calvinistic Methodist General Assembly in 1892 in, Mizoram khu Mission field khat hidingin alalutta uhi. Tua mun a Rev William khu Missionary khat hidingin guot in aum tahi. Rev William pen vaihawm asiem a, a thutah a mi kukal, mani kiphah/ kipumpieh, sep-le-bawl ding aum chienga zong kisit (kikhet) loukei a, mopuohna ngaisah mi ahi ziehin, apeina chin teng ah mite it leh deisahna tang in aum gige hi. Tualeh thugen siem, laigel siem, mopuohna ngai poimaw a gelkhaw leh midangte hoina dia

nasemtu ahiman in mipiten hawmthaw in aduot thei mama uhi.

A HINKHUO TOP LAM: Rev. William Pasian nasepna lam a sawtpi sem manlou in, 22nd April, 1892 kum in Khosihpi (Malaria) natna ziehin Mawphahlang Khasi Hill ah Kum 33 achin in aleitung hinkhuo ana beita hi. Aduthusam bangtah in Mizote lah ah Khantanhoi tangkou in nasem man sih nanleh, Mizogam a ding a Missionary masapen leh Khantanhoi Meisel deh masapen ahina in mite lungsim asukha/ dengkha mama hi.

Na melmate it un, azieh ahileh, na dihlouna ahing hil zieh un-
Benjamin Franklin.

JCA FOUNDING FATHER**(L) Upa P. Kaizakham Tanchin****(1930- 2010)****AHINKHUO MASA:**

Upa P. Kaizakham ahileh (L) Pu Heltuol leh (L) Pi Damzangai ta pasalte lah a a tumpen hi ding in apeisa Kum 1930 in Sumtuh khuo ah ana pieng hi.

Kum 1941 akipat in Thanlon L.P. School ah Class IV tan ana sim hi. 1950 in Class VI ana zou hi. 1951 in Mission Compound ah Class VII ana zou kia hi, tualeh 1952-55 sung in Imphal ah Ramlal Paul High School ah Class X tan ana sim hi. 1955-58 sungteng Tuaitengphai Private M.E. School ah Sangsyee nna a sem hi. Tuaitengphai M.E. Sschool a pan sungin 1958 in Government agh School Conversion a nga/ mu hi. Tualeh 1978 in S.E.O. in Churachandpur Block ah akaisang hi.

PASIAN ADIA AKIZAT DAN:

Ama khu Hattuom pawlpi leh Chi-le-nam a ding a mi phattuom ngai ahi. Ama ei Zou Haam a Laisiengthou nei na ding ah nahpi tah a ngaituo in ana pang a 1961 apat in Thuhun Tha (N.T) Pu Thonghang toh ana letkhie uhi. Laisiengthou kintah a nei theine ding tupna toh 1965 Kum in Bible Society of India (BSI) ah Life Member in ana pang hi. Ama ahileh 1974 in Tuaitengphai khuo ah Hattuom Upa (Elder) hi dingin Zoveng Biehin ah namdetna (ordain) ana la hi. 1954 in JCA kiphukhietna ding ah lamkai khat ana hi a, amaute (L) Pu Thanghang, (L) Semkhopau panla na in JCA 20th February 1954 in

Phubalana lienpen khu ngaidamna ahi- **English Thupil.**

ana ding khie hi. Hun leh kum te hing liemtou zel in JCA-MELC in Kum 20th February 2004 in MELC Compound, Zomi Colony Biehinn ah Golden Jubilee akizat hun in Patawina sangpen chin JCA Golden Jubilee Committee in **TAPIDAW FATHER** (*JCA Founding Father*) hina **TITLE** ana kipieh hi.

PASIAN ZAL A PAN ANA LAKHANATE:

- a) 1954 in JCA phukhetute lah ah ana pang a, tua kum in Zou Labu sut masapen ama'n ana bawlkhie hi.
- b) 1956 in Labu bawlkhiet suhletna ah pan ana lakie hi.
- c) Founder: Zou Sangnaupang Pawlpi (1958).
- d) 1961 in Pu Thonghang toh Thuhun Tha (N.T) ana letkhie uhi.
- e) 1965 in Bible Society of India ah Life Member in ana pang hi.
- f) Zou Haam in Thuhun Tha a laihah teng ana let khie hi.
- g) 1974 in Zoveng Biehinn ah Upa Namdetna (Ordain) ana tang hi.
- h) 1983 in Zou Holy Bible lekhetna ah zong theitop suo in ana pang hi.
- i) Founder: Youth Christian Association (YCA)
- j) Founder: Manipur Christian Accosiation (MYCA).

AHINKHUO NUKHIE LAM:

Tam bang a Pasian leh I nam a dia theitop suo a apanlai in, tahsa damlouna zieh in 24th November, 2008 in a it a ngaiteng leh hattuom mite nusie in eina muolliemsan tahi.

Laibu ette:

- a) JCA Golden Jubilee Souvenir, 2004
- Pa Luaizalal & family akipat atanchin ka kaikhawm hi.

I umdan leh i ham kam suo in i ginna ensah hi- **Ken Carter**.

If undelivered, please return to
The Editor, Gospel Tangkou
MELC Office, Hqtr. Zomi Colony
Post Box – 10, Churachandpur 795128
Manipur, India,
e-mail: melcqrts@mail.com

Gospel Tangkou (Gospel Herald)
RNI Regd. No : 62170/95 MNP 76
(Hachin a kisuo, hattuom khanletna ding)

Printed at



Convention Book House
Dorcas Hall Campus, New Lamka

BOOK POST

To

.....

.....

.....